

Comunidade Autónoma / Departamento / Estado	GALICIA
Municipio	ABEGONDO
Edificio	Igrexa de Santaia de Abegondo
Dirección	Lugar do Adro,5. 15318
	43.2188104 -8.2984496
Protección	
Descrición	<p>Igrexa de estilo barroco do século XVIII, de planta rectangular á que se lle engadiron tres pequenos corpos no seu muro meridional. A cuberta do edificio é a dúas augas, con estrutura de madeira e cubrición de tella curva do país.</p> <p>No interior, o presbiterio e a nave diferencian os seus espazos por medio dun arco de ingreso que se apoia sobre pilastras apegadas ó muro, do mesmo xeito que a entrada á capela vén definida por un arco de medio punto. Nesta última encóntrase un retablo barroco ornamentado con columnas salomónicas decoradas con uvas e acios, do mesmo xeito que tamén aparecen as pólas de figueira correspondentes ó escudo dos Figueroa. Nun dos muros laterais da capela insíbese un escudo pétreo de características semellantes ós que figuran no ático do retablo.</p> <p>O exterior concentra a súa decoración na fachada principal. Esta aparece dividida en tres panos; os dous laterais, revestidos, vense remarcados pola pedra á vista dos esquinais, zócalo e cornixa, mentres que o central, delimitado por dúas pilastras de orde xigante, concentra a práctica totalidade dos elementos ormanentais. De abaixo arriba presenta: unha porta rectangular adovelada, unha xanela rectangular e unha fornela cunha imaxe da Virxe cunha palma na man dereita e un libro na esquerda. Rematando este pano central, unha espadana de dous corpos, o primeiro formado por dous arcos de medio punto que descansan sobre piares moldurados e serven para aloxa-las campás. O segundo un frontón triangular curvo flanqueado por dous pináculos moldurados con bóla e rematado por outro pináculo con bóla cunha cruz de forxa.</p> <p>Nos anos oitenta do século XX, levouse a cabo no edificio unha profunda restauración, na que se deixaron ó descuberto determinados elementos interiores que estaban ocultos. Como noutras igrexas do rural galego, aparece o cemiterio dentro do recinto do adro, formando un conxunto onde conviven a parroquia dos mortos e a parroquia dos vivos.</p>
Campás	2 campás.
Fotos	2
Toques actuais de campás	
Conservación, mantemento	
Propostas	
Autors da documentación	TROIANO CARRIL, Xosé / CAMPÁS E RELOXOS MONUMENTAIS DE GALICIA (FACEBOOK)
Data	26-10-2020

Campás actuais

Localización	Campá	Fundidor	Ano de fundición	Diámetro (en cm)	Peso
Espadana	<u>Campá pequena (1)</u>	<u>BLANCO RUCABADO, FRANCISCO ANTONIO</u>	1793	58	113
Espadana	<u>Campá grande (2)</u>	<u>BLANCO CHARLO, FRANCISCO ANTONIO (1804-1878)</u>	1838	71	207

Información completa: [Igrexa de Santaia de Abegondo - ABEGONDO \(GALICIA\)](#)

PDF (16-05-2026)